

Date – 04/11/2025

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Chief Minister Pu Lalduhoma hova nimina Mizoram State Policy Coordination Committee thukhawmin Sorkar flagship prog Bana Kaih hmalakna kal mekte an thlir ho.
2. Ramchhung sawrkar damdawi in tha bik tehna, NQAS Certificate chu Marpara PHC leh Zemabawk Urban Primary Health Centre te'n an nei thar.
3. Bihar Assembly inthlan thawhkhatna atana campaign chu vawiin tlaiah a tawp dawn a. Ningani ah vote thlak a ni ang.
4. Rajasthan-a bawlhhlawh phur motor chetsual avangin mi 14 an thi

<><><>

CM

Mizoram State Policy Coordination Committee te chu an Chairman Pu Lalduhoma, Chief Minister hovin nimin khan a office-ah an thukhawm a. Sorkar flagship prog Bana Kaih= Hand Holding hmalakna kal mekte an thlir ho.

Meeting hian Loan Component hnuaia Progress Partner tura thlante thlen chin leh Bank te nena thawhhona te, thawhpui tur Bank neih belh tura hmalakna te leh CM Special Package dilna lut tawh vawiin thlenga endik chinte an enho a ni. CM Special Package thawh hnihnaah hian dilna thar 34,384 a lut leh tawh a ni.

Pilot Phase-ah khan Bank ten loan component progress partner mi 243 te hnenah loan an pe tawh a, pending 262 an awm mek. A thawh hnihnaah he component-ah hian dilna 302 a lut leh tawh a ni.

<><><>

AH & VETY

Mizoram sawrkar chuan ran vulhtu, a bikin bawng, vawk leh kel vultute tan an ran vulhah livestock insurance a kalpui dawn a, tunah hian insurance kalpuitu tur company zawna atan tender chhuah tura peihfel tawh niin, tender tih chhuah thuai tum a ni.

AH&Vety department hotute chuan Akashvani News Aizawl zawhna chhangin, National Livestock Mission (NLM) scheme hnuaiah ran insurance tihna tur project an siam thu leh sawrkar laipuiin cheng nuai 125 point 05 a rawn sanction tawh thu an sawi a; Mizoram sorkara budget allocation an dil mek chu pek an nih hunah sanction dilna an thlen anga, pawisa an hmuh hunah ran vulhtute tan insurance hi an kalpui dawn thu an sawi.

Mizoram sawrkarin ran insurance kalpui a tum hi company 6-in an rawn ngaihven thu sawiin AH&Vety department hotute chuan, Insurance company hrang hrangte hian livestock insurance an kalpui thin dan leh Mizorama insurance tha tak kalpui a nih theihna tura ruahmanna an neihte sawrkarah an sawifiah tawh. Tender

chhuah tura department lamin an buaipui chu an zo tawh a, remchang hmasa berah tender hi an chhuah dawn tih an sawi a ni.

Ran insurance atan hian sawrkar laipui, state sawrkar leh ran vulhtuten state matching share hmangin pawisa an in chawi sem a ngai a; ran vulhtuten 15% an tum dawni a , a bak 85% atang hian state sorkarin 10% leh central sorkarin 90% a tum leh dawn a ni.

Hetihlai hian Mizoram sawrkar hnuaia Mizoram State Policy Coordination Committee chuan ran insurance hnuaia ranvulhtute’n pawisa an chawi ve tur 15% chu Handholding scheme pawisa hmanga pek sak an rel a; Handholding scheme pawisa hmang hian state sorkar tum tur 10% leh ran vulhtute tum tur zawng zawng hi pek a ni ang.

<><><>

NQAS CERTIFICATE

Ramchhung sawrkar damdawi in tha bik tehna, National Quality Assurance Standards (NQAS) Certificate chu Primary Health Centre pakhat – Marpara PHC, Mamit District leh Urban Primary Health Centre pakhat – Zemabawk UPHC, Aizawl East District te'n an nei thar a. Heti hian Mizoram chhunga HWC-PHC 57 target awm zinga 40 leh HWC-UPHC 9 target awm zinga 6-in NQAS certificate an nei tawh a ni.

National Health Mission, Mission Director, Dr. Lily Chhakchhuak chuan India rama sawrkar damdawi in tha bik tehna, National Quality Assurance Standards (NQAS)-a tling thar Marpara PHC leh Zemabwk UPHC te hian a tehnaah zaa 91.97 leh zaa 95.98 te an hmu tih a sawi a. Heti hian Mizoram chhunga Sawrkar damdawi in 54 te chu NQAS National Certificate nei tawh an ni a. Tunah hian sawrkar damdawi in 16 leh HWC Sub-Centre 23-in state level certificate nei tawhin national-level assessment an dil mek a ni.

Hemi bakah hian Champhai District Hospital chuan nau neihna hmun tha bik tehna, LaQshya leh naupang enkawlna hmun tha bik tehna, MusQan certificate a hmu thar bawk a. LaQshya bikah hian zaa 93.96 hmuin Platinum Badge an dawng a, MusQan-ah hian zaa 96.57 an hmu bawk a ni.

National Quality Assurance Standards (NQAS) certified damdawi in te hi endikna chhawng thum paltlang an ni a. A tawp bera endikna an hmachhawn hi National External Assessment a ni a, state pawn atangin Assessor (endiktu) an lo kal thin a ni. Hetah hian a tehnaa zaa 70 an hmuh tlin chuan certified an ni chauh thin. Heng certified tawh damdawi inah te hian natna darh thei ven kawngah te, thawktu zawng zawngte an hna bil an thiamna te, an level zelah enkawlna an pek that dan te, a thlawna enkawlna leh damdawi pek te, damdawi in faina leh dik taka damdawi in bawlhhlawh sawngbawl te, hawihhawmna leh a chhehvel vawnfai kawngah te, environment vawn that kawngah te endik an ni.

<><><>

HULHLIAP SHORT STAY

Mizoram sorkarin ruihhlo ngaite enkawl lailawkna tura a duan Hulhliap Short Stay Centre batch 5-naa lut mek chhungte chu nimin khan Dawrpui Multipurpose Centre-ah kohkhawm an ni a; camp atanga an fate lo chhuah huna enkawlzui dan tur hrilhfiyah an ni.

Hulhliap SSC batch 5-naah hian mi 120 chuang an lut a; Dawrpui Multipurpose Centre-a hun hmanna hi Core Committee chairman Pu Malsawmzuala Ralte chuan a kaihruai a, Hulhliap camp-a lut mekte an lo chhuah huna an nu leh pa leh an chhungte'n an lo dawnawn dan tur te, hmangaihna nena lo kuangkuaha an nih ang anga lo pawm thiam a tul thu te, chhungkuaa hun hman ho leh kohhran leh khawtlanga tah luh a pawimawh dante inhrilhfiah a nih bakah, inkawmhona leh zawhna leh chhanna hun hman a ni.

Hulhliap SSC camping hi thawh 5-na neih mek a ni a, thawh 6-na hi November ni 17-ah neih tan tura ruahman niin, December thlaah erawh camp buatsaih a ni lo ang. Ruahman dan chuan nakum March thla thleng camping hi kalpui tur a ni.

<><><>

SAITUAL DTO

Saitual District Transport office chu hawn a nih atanga ni 15 chhungin driving license chi hrang hrang, tuai thar, pek chhuah leh license kaihnawih siam that ngai siam that 110 an khawih tawh a, Learner License dilna hi online a tih tur a nih avangin a zat chiah hriat theih ni lo mahse engemaw zatin an dil mek bawk a ni.

Thawktute sawi danin learner license dilna man hi cheng 200 a ni a, Common Service Centre atang pawhin dil theih a ni a, Service charge erawh pek a ngai thung.

License pangngai pek chhuah nan a man chi hnih a awm a, Class-I License atan cheng 800 leh Class-II License atan cheng 1,100 chawi a ngai thung.

Lirthei Registration pek chhuah chungchangah MZ09A -0001-0009 inkar chu Dy Commissioner Pisa puala dah niin DC Office lam hian NOC an buaipui zo thawkhat tawh a, tihfel a nih hnuah MZ09A-0010 atangin mipuiah pek chhuah tum a nih thu thawktuten an sawi.

District dang lirthei Regn neite NOC la hmasain Saituala in register theih reng a nih thu an sawi bawk.

Saitual DTO hi October 15 khan Trasnport Minister Pu Vanlalhlana'n a hawng a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn a.

Akashvani Aizawl Regional News Unit chuan PTC tur hi Aizawl, Hnahtial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan November ni 14, 2025 thleng dilna thehluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm bawk ang.

<><><>

BIHAR

Bihar Assembly inthlan thawhkhatna atana campaign chu vawiin tlaiah a tawp dawn a. Ningani ah vote thlak a ni ang. Campaign hun tawp a hnaih avangin Political Party tin ten theihtawp chhuahin campaign an nei mek a. NDA leh Mahagathbandhan te chuan hmun hrang hrangah vantlang inkhawm an buatsaih a. Star Campaigner leh party hruaituten mipuite vote hui tumin tan an la mek a ni. Puan tawh angin inthlan thawhkhatnaah hian Assembly bial 121 ah vote thlak a ni dawn a. District 18 huamchhungah inthlan hi neih a ni ang.

<><><>

RAJASTHAN

Rajasthan-a bawlhhlawh phur motor chetsual avangin mi 14 an thi a, Mi panga in hliam an tuar. Thudawnn danin vanduaina hi Sikar Road-a thleng niin bawlhhlawh phur motor hi thunun zawhloh khawpa chak taka a tlan avangin a bula lirthei leh bike engemawzat a hnawl a. A hmunah mi 14 an thi a. Police te chuan bawlhhlawh phur motor khalhtu hian zu a ruih thu an sawi. President Draupadi Murmu, Vice President C P Radhakrishnan leh Prime Minister Narendra Modia te chuan vanduaina thleng pawl an tih thu leh mitthi chhungte an tawrhpu thu an sawi a. PM Modia chuan MP Relief Fund atangin mitthi chhungte hnenah cheng nuai hnih theuh pek an ni ang tih a puang a ni.

<><><>

PM

Prime Minister Narendra Modia chuan Sawrakrin zirbingna lam research ah awlsam taka thiltih a nih theih nan hma alak thu sawiin ngaihtuahna thar hmang thei turin mithiamte tan remchang tha a siam zel a ti. Nimina New Delhi-a Bharat Mandapam-a Emerging Science and Technology Innovation Conclave 2025 a hawwnaah he thu hi sawiin Pu Modia chuan India chu technology thar lo leitu chauh niloin hmasawwna ropui tak thlentu a ni tawh a ti a. Pu Modia chuan technology lama ram thanna chu nasa tak a nih thu a sawi a.Khawvela digital public infrastructure hlawhtling ber din anih thu a sawi bawk a ni.

<><><>